

ওয়াইফাই পাসওয়ার্ড দেখায় উপায় – মোবাইল ও কম্পিউটারে

banglatech24.com/0634249/how-to-find-wifi-password/

বাংলাটেক টিম

June 12, 2022



ওয়াইফাই পাসওয়ার্ড ভুলে যাওয়া বেশ স্বাভাবিক একটি বিষয়। অধিকাংশ ব্যবহারকারী তাদের ফোন ও কম্পিউটার ওয়াইফাই নেটওয়ার্কে কানেক্ট করার পর পাসওয়ার্ড ভুলে যান। বাসায় একজন অতিথি এলে ওয়াইফাই পাসওয়ার্ড চাইলে তখন না দিতে পারলে বিরতকর পরিস্থিতিতে পড়তে হয়। তবে ভালো ব্যাপার হলো প্রায় যেকোনো ডিভাইসে (যেমন, মোবাইল ও কম্পিউটার) কানেক্ট করা নেটওয়ার্ক এর পাসওয়ার্ড দেখা যায়।

এই পোস্টে আমরা ওয়াইফাই পাসওয়ার্ড দেখার উপায় সম্পর্কে জানবো। উল্লেখ্য যে এখানে শুধুমাত্র কানেক্ট থাকা ওয়াইফাই নেটওয়ার্ক এর পাসওয়ার্ড ভুলে গেলে তা খুঁজে বের করার উপায় জানতে পারবেন। অন্যের ওয়াইফাই পাসওয়ার্ড লুকিয়ে দেখার মত কোনো বিষয়ের সাথে এই পোস্ট সম্পর্কিত নয়।

উইন্ডোজ কম্পিউটারে ওয়াইফাই পাসওয়ার্ড খুঁজে বের করার নিয়ম

উইন্ডোজ-চালিত কম্পিউটারের ওয়াইফাই পাসওয়ার্ড খুঁজে বের করার একাধিক উপায় রয়েছে। খুব সহজে যে নেটওয়ার্ক কিংবা রাউটারে কানেক্ট আছেন, উক্ত নেটওয়ার্ক এর পাসওয়ার্ড জানতে পারবেন।

উইন্ডোজ কম্পিউটারে ভুলে যাওয়া ওয়াইফাই পাসওয়ার্ড খুঁজে বের করতে নিম্নোক্ত নিয়ম অনুসরণ করুনঃ

- স্টার্ট মেন্যু ওপেন করুন ও **Network Status** লিখে সার্চ করুন, এছাড়া স্ক্রিনের ডানদিকের নিচের কর্নারে থাকা ওয়াইফাই আইকনেও ক্লিক করতে পারেন ও **Network & Internet Settings** ওপেন করতে পারেন
- এবার **Change Adapter Settings** এ ক্লিক করলে ওয়াইফাই কানেকশন এর একটি পপ-আপ উইন্ডো দেখতে পাবেন
- এবার ওয়াইফাই এ ডাবল ক্লিক করুন ও **Wireless Properties** অপশনে ক্লিক করুন
- এরপর **Connection** ও **Security** নামে দুইটি অপশন দেখতে পাবেন, **Security** সিলেক্ট করুন

- Show Characters বক্স এ চেক মার্ক প্রদান করুন
- এরপর আপনার উক্ত ওয়াইফাই নেটওয়ার্ক এর পাসওয়ার্ড দেখতে পাবেন

এছাড়া উইন্ডোজ ডিভাইসে আরো একটি নিয়মে সেভড নেটওয়ার্ক এর পাসওয়ার্ড দেখা যায়। ওয়াই-ফাই পাসওয়ার্ড দেখতেঃ

মোবাইল দিয়ে টাকা আয় করার উপায় জানতে এখানে ক্লিক করুন

- স্টার্ট মেন্যু ওপেন করুন ও Command Prompt সার্চ করে ওপেন করুন
- এই কমান্ডগুলো টাইপ করে রান করুনঃ netsh wlan show profile
- এবার সকল সেভড ওয়াইফাই নেটওয়ার্ক ও তাদের পাসওয়ার্ড দেখতে পাবেন
- এবার টাইপ করুন netsh wlan show profile name key=clear
- এখানে name এর পরিবর্তে যে নেটওয়ার্ক এর পাসওয়ার্ড দেখতে চান, উক্ত নেটওয়ার্ক এর নাম লিখবেন
- এরপর উক্ত নেটওয়ার্ক এর পাসওয়ার্ড দেখতে পাবেন স্ক্রিন

ম্যাক কম্পিউটারে ওয়াইফাই পাসওয়ার্ড খুঁজে বের করার নিয়ম

ম্যাক অপারেটিং সিস্টেম চালিত কম্পিউটারেও ওয়াইফাই পাসওয়ার্ড খুঁজে পাওয়া বেশ সহজ। এই অপারেটিং সিস্টেমে Keychain Access নামে একটি অ্যাপ রয়েছে যা কম্পিউটারে থাকা সকল পাসওয়ার্ড সুরক্ষিতভাবে সেভ করে রাখে। এই অ্যাপ ব্যবহার করে খুব সহজে সেভ থাকা নেটওয়ার্ক এর ওয়াইফাই পাসওয়ার্ড খুঁজে বের করা যাবে। ম্যাকওএস এ সেভ থাকা ওয়াইফাই পাসওয়ার্ড খুঁজে বের করতেঃ

- Keychain Access অ্যাপ ওপেন করুন
- টুলবার থেকে Passwords অপশন সিলেক্ট করুন
- সার্চ বারে যে নেটওয়ার্ক এর পাসওয়ার্ড খুঁজছেন উক্ত নেটওয়ার্ক এর নাম লিখুন, এবার উক্ত নেটওয়ার্ক এর নামে ডাবল ক্লিক করুন
- একটি পপ-আপ উইন্ডো দেখতে পাবেন, নেটওয়ার্ক এর সকল ডিটেইলস তাতে থাকবে
- Show Password অপশনে ক্লিক করুন, Administrator User Credentials এর জন্য অ্যাকসেস পারমিশন চাইবে
- এবার সিস্টেম পাসওয়ার্ড প্রদান করলে উক্ত নেটওয়ার্ক এর সংরক্ষিত পাসওয়ার্ড দেখতে পাবেন

অ্যান্ড্রয়েড ফোনে ওয়াইফাই পাসওয়ার্ড খুঁজে বের করার নিয়ম

অ্যান্ড্রয়েড ফোনেও সেভ থাকা ওয়াইফাই পাসওয়ার্ড বেশ সহজে খুঁজে বের করার গোপন উপায় রয়েছে। অ্যান্ড্রয়েড ১০ বা এর পরে মুক্তি পাওয়া যেকোনো অ্যান্ড্রয়েড ভার্সনে চালিত ফোনে সেভড নেটওয়ার্ক এর পাসওয়ার্ড দেখা যাবে। অ্যান্ড্রয়েড ফোনে ওয়াইফাই পাসওয়ার্ড খুঁজে পেতে নিম্নোক্ত নিয়ম অনুসরণ করুনঃ

- সেটিংস অ্যাপে প্রবেশ করুন ও Wifi & Network মেন্যুতে প্রবেশ করুন
- এবার কাংখিত নেটওয়ার্ক এর পাশে থাকা গিয়ার বা লক আইকনে ট্যাপ করুন
- Share Password এ ট্যাপ করুন, ফিংগারপ্রিন্ট বা পিন কোড চাওয়া হলে সেটি প্রদান করুন
- এবার স্ক্রিনে একটি কিউআর কোড দেখতে পাবেন, যার নিচে উক্ত নেটওয়ার্ক এর পাসওয়ার্ড লেখা থাকবে
- পাসওয়ার্ড লিখা না থাকলে অন্য ডিভাইস দ্বারা কিউআর কোড স্ক্যান করে পাসওয়ার্ড খুঁজে বের করতে পারেন



আইফোনে ওয়াইফাই পাসওয়ার্ড খুঁজে বের করার নিয়ম

আইওএস ডিভাইসে ওয়াইফাই পাসওয়ার্ড খুঁজে বের করা কিছুটা কঠিন। অ্যাপল তাদের প্রাইভেসি ও সিকিউরিটি ফিচার নিয়ে বেশ কড়াকড়ি করার কারণে সেভড থাকা নেটওয়ার্ক এর ওয়াইফাই পাসওয়ার্ড খুঁজে করা প্রায় অসম্ভব। তবে হ্যাঁ, আইফোন থেকে ওয়াইফাই পাসওয়ার্ড খুঁজে বের করা একদম অসম্ভব নয়।

কিন্তু আইফোন থেকে ওয়াইফাই পাসওয়ার্ড খুঁজে বের করতে চাইলে একটি ম্যাকওএস চালিত ডিভাইস প্রয়োজন হবে। উইন্ডোজ চালিত কোনো কম্পিউটারে এই নিয়ম কাজ করবে না। আপনার কাছে যদি আইফোন এর পাশাপাশি ম্যাক ডিভাইস ও থাকে, তবে এই নিম্নোক্ত নিয়ম অনুসরণ করে আইফোন এ কানেক্ট থাকা ওয়াইফাই নেটওয়ার্ক এর পাসওয়ার্ড খুঁজে বের করতে পারবেন।

- প্রথমে আপনার আইফোন এর সেটিংসে প্রবেশ করুন ও iCloud অপশনে প্রবেশ করুন
- এবার Keychain অপশনটি খুঁজে নিয়ে সেটি চালু করে দিন, ফলে আপনার ওয়াইফাই পাসওয়ার্ড আইক্লাউডে সেইভ হবে
- আপনার আইফোন এবং ম্যাক একই আইক্লাউড একাউন্টে সাইনইন করা থাকতে হবে
- ম্যাক থেকে কমান্ড ও স্পেস প্রেস করে স্পটলাইট ওপেন করুন ও Keychain Access খুঁজে নিয়ে প্রবেশ করুন
- এবার আপনার ওয়াইফাই নেটওয়ার্ক খুঁজে নিন ও সিলেক্ট করুন
- পপ-আপ উইন্ডোতে কাংথিত নেটওয়ার্ক এর ডিটেইলস দেখতে পাবেন, Show Password এ ক্লিক করে এডমিন অ্যাকসেস প্রদান করলে কাংথিত নেটওয়ার্ক এর পাসওয়ার্ড দেখতে পাবেন

এভাবে উল্লেখিত উপায়ে ভুলে যাওয়ার ওয়াইফাই নেটওয়ার্ক এর পাসওয়ার্ড দেখতে পারবেন যেকোনো ডিভাইস থেকে।